



ARAUTEGIA

JUDO 2026

Eusko Jaurlaritzaren Jarduera Fisikoaren eta Kirolaren Zuzendaritzak EUSKADIKO XLII. ESKOLARTEKO KIROL JOKOEN ekitaldia antolatuko du, Euskadiko Judo Federazioarekin lankidetzan, 2026ko martxoaren 28an Elorsoro Udal Kiroldegian, Oiartzun (Gipuzkoa). Hauxe duzue jokoen araudia:

1. JOKATZEKO MODUA:

Kategoriak:

Infantilak: 2012-2013an jaiotako neska-mutilak. Araba, Bizkaia, eta Gipuzkoa.

Partaide guztien eskola lizentziak aurkeztu beharko dira, edo bestela, parte-hartzaileen triptikoa, dagokion Foru Aldundiaren zigilu eta sinadurarekin. Horiek aurkezten ez badira, NAN edo pasaporte originala aurkeztu beharko da aktan inskribatu ahal izateko, bestela, ezin izango du ekintzan parte hartu.

2. SELEKZIOEN OSAERA:

Pisu bakoitzeko 4 judoka eta entrenatzaile bana izango dituzte nesken eta mutilen selekziotan.

Lurralde bakoitzak 2 selekzio izango ditu, 1 nesketan eta 1 mutiletan, hau da, lurralde bakoitzak 32 mutilekin eta 32 neskekin parte hartu ahal izango du.

Lurralde bakoitzeko txapelduna, txapeldunordea eta hirugarren postuan sailkatutako bi kirolariak bertan izango dira. Ezinbestean joaterik izango ez balute, justifikatu egin beharko lukete bertaratu ezina.

Pisu mailaren kirolariak falta direla eta, lurralderen batek 32 mutilen eta 32 nesken postuak betetzerik izango ez balu, ezingo ditu eskola ume gehiago aurkeztu gainerako pisuetan.



Aurreko urtean lehen postua lortutako judokak txapelketan parte hartzera gonbidatuko dira, betiere eskola kiroleko infantil mailakoak izaten jarraitzen badute. Gonbidatuak ez dira aintzat hartuko ezarritako kupoa betetzerako orduan, duten pisuan parte hartu ahal izango dute eta lurraldea ordezkatzeko duten gainerako judoekin batera izango da izen-ematea. Gonbidapenak izen-abizenekin egingo dira.

Pisuak eta kategoriak:

Infantil neskak: - 36 -40 -44 -48 -52 -57 -63 eta + 63kg

Infantil mutilak: -38 -42 -46 -50 -55 -60 -66 eta + 66kg

3. ARAU OROKORRAK:

Borrokak hiru minutukoak izango dira.

Parte hartzeko egiaztatu beharreko gutxieneko maila gerriko berdea da.

Txapelketan judogi zuriarekin soilik parte hartu ahal izango da.

Euskadiko federazioak epaileak izendatuko ditu, lurralde bakoitzetik lau, eta hauek guztiak epaile zuzendariak koordinatuko ditu.

Banakako lehiaketan kanporaketak bigarren aukera gisa edota liga gisa jokatu da. Judoka kopuruaren arabera erabakiko da kanporaketa edo liga jokatu.

Hiru lehiaketa eremu izango dira.

Kantxan, tatami bakoitzeko bi teknikari baino ez dira onartuko.

4. ZOZKETA:

Izen emateak Euskadiko Judo Federaziora bidaliko dira **2026ko martxoaren 23ko** 14:00ak baino lehen.

Zozketa txapelketaren egunean pisaketa bukatu ondoren egingo da, ordenagailuko programa baten bidez.

Izen emateetan aldaketak egiteko azken eguna **2026ko martxoaren 25ko** 12:00tan izango da.

5. PISU HARTZEA:



Txapelketa hasi baino ordubete lehenago hasiko da pisaketa. Lehen ordu laurdenean pisu-hartze estraofiziala eta bigarren ordu-erdian pisu-hartze ofiziala egingo da.

Lehenengo pisatzean pisu egokia ematen duen kirolariari ontzat emango zaio pisua. Pisu hartze ofiziala hastean, kirolaria behin bakarrik igoko da balantzara eta bertan ematen duen pisua izango da erabiliko dena (aurretik eman ez badu).

Txapelketan inskribaturik dagoen pisua ematen ez duen kirolaria txapelketatik kanpo geratuko da.

Partaideak pisaketa unean dagokien Foru Aldundiko eskola kiroleko txartela aurkeztu beharko dute.

Pisu hartzea kantxan judogiaren galtza eta kamiseta batekin egingo da, kirol bateko tolerantzia egongo da.

Txapelketa ordutegia modu onean eraman ahal izateko, epaileak 9:30etarako txapelketa gunean egon behar dira.

6. KIROL SARIAK:

Ondorengo sariak emango dira:

Txapelketaren banakako sailkapena, domina bana lehenengoari, bigarrenari eta hirugarren sailkatzen diren biei.

7. EZBEHARREN AURREAN:

Lesio edo ezbeharrik sortu ezker nahi eta nahi ez antolakuntzak kirol eremuan izango duen arduradunarengana jo beharko da. Honek eman beharreko gainontzeko pausuak bideratuko ditu.

8. AZKEN OHARRA:

Arautegi honetan azaltzen ez diren kontu guztietarako, ondorengo testuak hartuko dira kontuan:

- a) 14/ 1998 LEGEA, Ekainaren 11koa, Euskadiko kirolarena.



EUSKADIKO XLIII. ESKOLARTEKO KIROL JOKOAK
XLIII JUEGOS DEPORTIVOS ESCOLARES DE EUSKADI



- b) 125/2008 DEKRETUA, Uztailaren 1ekoa, Eskola Kirolarena.
- c) 391/2013 DEKRETUA, uztailaren 23koa, eskola-kiroleko lehiaketan diziiplina-araubideari buruzkoa.
- d) AGINDUA, 2026ko urtarrilaren 27koa, Lehenengo Lehendakariorde eta Kultura eta Hizkuntza Politika sailburuarena, 2026ko Euskadiko Eskolarteko Kirol Jokoen XLIII. edizioaren deialdia egiteko dena. Ebazpena.
- e) 2026ko otsailaren 2koa, Jarduera Fisikoaren eta Kirolaren zuzendariarena, 2026ko Euskadiko Eskolarteko Kirol Jokoen XLIII edizioako lehiaketako epaile bakarra izendatzen duena.
- f) Judoko eta EK-ko Euskal Federazioaren Arautegian erabakitakoa.

Euskara eta gaztelaniazko araudien interpretazioetan ezberdintasunak izan ezkerro, jatorrizko hizkuntza lehentasuna izango du.